

Қазақстан Республикасы Үкіметінің 2002 жылғы 29 желтоқсандағы N 1429 қаулысына толықтырулар енгізу туралы

Қазақстан Республикасы Үкіметінің 2003 жылғы 25 желтоқсандағы N 150ао қаулысы
Қазақстан Республикасының Үкіметі қаулы етеді:

1. "2003 жылға арналған республикалық бюджеттік бағдарламалардың паспорттарын бекіту туралы" Қазақстан Республикасы Үкіметінің 2002 жылғы 29 желтоқсандағы N 1429 қаулысына мынадай толықтырулар енгізілсін:
көрсетілген қаулыға 544-қосымшада :

"Бюджет бағдарламасын іске асыру жөніндегі іс-шаралар жоспары" деген 6-тармақ 5-бағанының 1-тармағы мынадай мазмұндағы 1.6, 1.7, 1.8, 1.9, 1.10, 1.11, 1.12, 1.13, 1.14 , 1.15, 1.16, 1.17, 1.18, 1.19, 1.20-тармақшалармен толықтырылсын:

1.6. шағын кәсіпкерлікті қолдаудың өңірлік бағдарламаларын жасау және бірдейлендіру әдістемелерін әзірлеу. Өңірлерде шағын бизнесті қолдау жөніндегі іс-шараларды іске асыруға қажетті ресурстарды негіздеу және есептеу;

1.7. қаржы ресурстарына қол жеткізуді кеңейту мақсатында микрокредиттік ұйымдардың қызметіне талдау жасау және микрокредиттік ұйымдарды дамыту т ұ ж ы р ы м д а м а с ы н ә з і р л е у ;

1.8. кәсіпкерлік саласына халықтың белсенді бөлігін тарту мақсатында кәсіпкердің оң беделін қалыптастыру жөніндегі бағдарламаны әзірлеу;

1.9. шағын кәсіпкерлікті қолдау саласындағы мемлекеттік емес бірлестіктер мен мемлекеттік органдардың өзара іс-қимыл тетіктерін әзірлеу;

1.10. рынокқа талдау жасау және бәсекелес артықшылықтар мен шығарылатын өнім сапасын арттыруға қол жеткізуге арналған құрал ретіндегі шағын бизнес субъектілері үшін автоматтандырылған ақпараттық жүйелерді енгізу жөніндегі ұсыныстарды ә з і р л е у ;

1.11. шетелдік кәсіпкерлікті қолдау миссиялары қызметін зерделеу әрі талдау және олармен сындарлы өзара қатынастарды ұйымдастыру жөнінде ұстанымдар беру;

1.12. шағын және орта бизнес саласындағы франчайзинг жүйесін дамытуды ынталандыру жөнінде ұсынымдар әзірлеу;

1.13. шағын және орта бизнес субъектілерін тексеруді жүзеге асыратын бақылау-қадағалау органдарының нормативтік құжаттарына талдау жасау. Тексерулер жүргізу бөлігінде олардың қызметін ретке келтіру және регламенттеу жөнінде ұ с ы н ы м д а р ә з і р л е у ;

1.14. кредиттік бюро құру және оның жұмыс істеу тетіктерін әзірлеу. Қазақстан

Республикасында микрокредит берудің мониторингі индикаторына талдау жасау және оны әзірлеу;

1.15. шағын бизнесті қолдаудың қазіргі институттары: Республикалық ақпараттық-көрме орталығы мен Шағын кәсіпкерлікті дамыту қоры базасында инновациялық инфрақұрылым құру шеңберінде ақпараттық-технологиялық орталық қызметінің тұжырымдамасын әзірлеу;

1.16 ұлттық компаниялар төңірегінде кәсіпкерліктің шағын нысандарын құру қағидаттары мен тәртібі жөніндегі тұжырымдаманы әзірлеу мақсатында жүйе құраушы кәсіпорындар жанындағы шағын бизнесті қолдаудың қазіргі бағдарламаларына талдау жасау және оны қорыту;

1.17. кәсіпкерлікті қолдаудың өңірлік институттарының қызметі практикасының оң тәжірибесін зерделеу. Осы тәжірибені ретке келтіру, бірдейлендіру және көбейту жөніндегі ұсынымдарды әзірлеу;

1.18. шағын және ірі бизнестің өзара іс-қимылы қағидаттарын әзірлеу. Қатысудың мемлекеттік үлесі жоқ ірі компаниялар үшін аутсерсинг тетігі жөнінде ұсынымдар әзірлеу;

1.19. шағын және орта бизнес кәсіпорындары таяу және алыс шет елдер рыноктарына шығаратын экспортқа бағдарланған тауарларды жылжытудың құралы ретінде көрме-жәрмеңке қызметін ұйымдастыру жөніндегі ұсынымдарды әзірлеу;

1.20. шағын бизнесті қолдау саласындағы қолданыстағы заңнамаға талдау жасау, орын алып отырған қарама-қайшылықтарды айқындау және нормативтік базаны жетілдіру жөнінде ұсынымдар әзірлеу".

2. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі